

中國方志叢書·華北地方·第五十七號


據 民國王丕煦等纂梁秉錕等修
民國二十四年鉛本 影印

山東省

萊陽縣志

(一)

成文出版社印行



10107747

中國方志叢書·華北地方·第五十七號


據 民國王丕煦等纂梁秉銀等修
民國二十四年鉛本 影印

山東省

萊陽縣志

(二)

成文出版社印行



10107748

R
K21
18'9

5/11/104

R
K28
H819

中國方志叢書·華北地方·第五十七號


據 民國王丕煦等纂梁秉錕等修 民國二十四年鉛本 影印

山東省

萊陽縣志

(三)

成文出版社印行



10107692

中華民國五十七年三月臺一版

萊陽縣志

全三冊

定價：新台幣一二〇〇元正

發行人：黃 成 助

臺北郵政信箱二二六〇五號

出版者：成文出版社

臺北郵政信箱二二六〇五號
電話：九二二〇一〇號

印刷者：正大印製廠

三雲市長生街二號之一

內政部登記證內服登字第 一一四七號

版權所有

序

修現代之縣志其詳略多與往昔異宜萊陽縣志創於明季續於清初其間雖屢經變亂而國體與政體無殊士民亦各守食舊服先之遺俗建設少而人事無多故兩志所載往往有今所宜略者詳而宜詳者略觀其於農工鄉俗河流山脉等多未詳及而諭旨勅詔雜記頌贊詩賦等則獨作一大領域固沿修志之舊例殆亦時勢使然歟民國二十二年 省令各縣修志前任楊縣長延聘名流設所編纂事未歲而去職及余承乏斯邑雖以簿書鞅掌未遑時時到所相與朝夕從事然竊以爲時勢愈變則人事愈繁繁則建設與因革必不能一一悉如古所云當此之時儻無明達之學識綜核名實以斟酌適當書成而後不獨於潮流之趨勢文化

之進步有礙卽上之 省府頒之全縣亦不足供通志之採擇而使後之踵事者增美也故修現代之縣志其事又倍難於往昔今賴諸君子之力全書脫稿括爲輿地政治人事三志而別爲十二綱以子目分類相屬所詳者或重述前志或逕補其闕或附之以說明或申之以考辨或直陳利弊而明指是非要以直筆爲旨歸所略者大抵於世道人心國計民生無甚關係之事實與文詞刪其繁而易之以典要諸君子之用意可謂深切著明矣披覽之下感佩殊深爰贅數言弁諸卷首於全書之精義不敢謂綜括靡遺然謂爲合時勢之需得詳略之宜則敢信閱是編者之必能百口一詞也

中華民國二十四年署萊陽縣長河北大城梁秉錕序

序

縣志者記載一縣之政事文獻上以供國史之採摭下以作行政之標準者也中國自秦以前侯國壤錯其規模卽今之一縣操觚執簡例有專責故其史爲最詳若晉之乘楚之檮杌魯之春秋其尤著也厥後封建易爲郡縣政體稍改革而史事之編述未之或廢故漢晉以下有一朝之史有一縣之史有一家一人之史綱舉目張繁而不殺而其囊括一家一人之史供國史要刪者厥爲一縣之史然則縣志顧不重哉民國二十一年十月余捧檄萊陽時軍事旁午在城外水溝頭鎮辦公急物色縣志讀之以資考鏡知已二百餘年失修爲悵惘久之夫日月者逝而不留者也舟遷夜壑昧者不知也宇宙萬事萬物之遞嬗若驟若馳縣志旣爲一縣

政事文獻之總會而失修已久何以免遺漏而昭來許况自共和肇造百度維新一切官制民俗禮樂政教月異而歲不同聽其殘闕可乎然而當時于增修之事有志未遑也嗣軍事既定縣政府移入城內瘡痍滿目民不聊生因與縣父老謀善後募捐款電

省府請賑請豁免丁銀雜稅日不暇給尤無裕餘以談史事所幸時逾半載民氣稍蘇縣政府亦稍覺清晏特召集各機關領袖各區長各鄉鎮長而告之曰萊陽縣志失修不僅有官守者之羞亦全縣士夫之恥也諸公合羣策羣力以謀續輯何如僉曰然因延聘名流設所編纂並呈請立案仰荷批准正在着手調查而余於二十二年十月去職竊竊然抱杞憂以爲前功難竟也旋 省府通令各縣修志繼任梁縣長尤熱心提倡于是賡續督修期月歲

事逃聽之下歡躍莫名以爲私衷所顧慮者今而後釋然矣既而又思天下事成否有時然非主持之人運以精心行以毅力則亦未易收美滿效果今者萊陽縣志有王揆堯先生任總纂有于汝舟王崑玉諸先生任分纂兼才學識三長而又精心毅力度越恒流其能使輿地政治人事諸大端粲乎隱隱瞭如指掌也亦固其所然則後之官斯土者手此一編不至冥行擿埴卽以備省志國史之搜羅亦無放失難稽之嘆矣因略叙顛末弁諸簡端

中華民國二十四年一月前萊陽縣長臨沂楊西桂序

初志序

萬曆禩在庚辰不佞承乏茲邑政暇邑大夫偕陟背郭亭山之巔
遠矚旌旗望石馬山諸峯蜿蜒三面南匯以滄海碧流襟帶翠巘
揖讓珍木蔚蒼瀨光組繡固東郡奧壤哉詢撫圖版志獨稱缺則
曰此予司士者責也居無何僉憲咸公自雲中謝兵符歸卽慨然
與邑庠譚生司纂修之任而廷尉張公侍御孫公節推左公相與
訂正之遂爲一邑全史勒茲懿典垂之永永鋟旣成不佞捧而讀
之則見其事該其旨遠其文正而不俚有輔于通志有裨于風教
足成一家之言矣然不佞竊有幸焉夫美稼不發礪确修松不挺
培塿斯固然矣若乃楨高而築堵不繼表正而影式弗端則求詣
司教者焉不佞竊祿茲士治邑無狀職之溺也甚矣獨幸萊之山

川無恙年穀屢登卽窮巖邃谷舉喁喁謳歌聖明元化其文物不
斌斌眎諸邑過之將無煩于治理也且矯首張目復有新志師範
在焉司教者不藉是以釋媿矣乎是則宜傳也已

萬曆十五年歲次癸未五月旣望文林郎知萊陽縣事雍韓程時
建撰

初志序

余萊舊無志有志自程公大河始志胡始於程公也粵自余解綬之明年程公奉天子璽書宰余邑下車之初濬治源崇教本剔蠹滌苛爲萊人翹首跂足所願罷行者率次第見之行事四封內蒸蒸登於理矣政暇諏及邑志僉以亡對卽慨然曰無志是無邑也夫今不紀則土田貢賦漫無所據英賢淑媛闕而弗彰後將何徵願及今共圖之迺屬余與庠彥譚君司纂修之責於是編摩揚挖撰次校讎本之郡乘參之一統山東諸志及士大夫家藏凡苔碑蘚刻寂落於故墟煙莽之間遺躅往跡搜括殆盡三閱月而書成焉首志天文昭鑒戒也繼志地理表封域也天地明察人事可施次之以民政陽城飭行晉鄙薰良次之以風俗思政懷棠望峴墮

淚則次之以名宦地靈人傑豔帛馥竹又次之以鄉賢奇葩麗藻
華國光邦故以藝文終焉爲書凡八卷一邑典故燦然具備文獻
其足徵乎後之生於斯吏於斯者展而讀焉閱其人論其世瞭焉
鑒往勃焉思奮豈無軫歎山瀕海之苦而緩其征科者乎豈無憫
窮陬僻邑之陋而振其文教者乎又豈無繩愆合肥文卿諸人之
賢而思弦歌俎豆於其側者乎上裨治理下關風教所系良非尠
淺程公之功亦偉也已獨念余才匪三長濫竽茲役每誦先正有
云潦浸牛涔燭炫螢尾傳言失旨圖影失真蓋方負大懼焉

萬曆壬午三月旣望賜進士第奉政大夫整飭大同等處兵備前
奉勅分巡隴右道巡禁茶馬兼理屯田山西按察司僉事邑人咸

懷良撰

續志序

萊巖邑也幅員之闊戶口之繁賦稅之多科第之盛於諸邑中最爲雄長或曰萊古萊國也或曰以其在萊郡之陽故曰萊陽嘗攷夾谷之會萊志偏好而迄於今猶稱難治豈山川爲之耶抑風俗爲之耶余下車時卽欲索邑志一覽不可得偶得殘籍一帙十存一二乃萬曆初年志也然萊之冠蓋相望絃誦不輟皆在隆萬以後兵火頻仍亂離多故亦在隆萬以後是安可湮滅而不傳哉頃承俞旨徵取邑志遂廣肆蒐羅縉紳各出其家譜父老咸述所見聞迺以疆域爲一書建置食貨學校典禮各爲一書選舉官師人物外紀藝文各爲一書共成十志千餘年之遺跡數百里之規模瞭若指掌矣其或不詳不備與夫日新月盛者所望後之君子踵

事增美庶斯志與斯邑同不朽於天壤也夫

康熙十二年歲次癸丑菊月上浣之吉日賜進士文林郎知萊陽
縣事楚麻城萬邦維謹序

續志序

邑應乎宿人翬乎邑山川毓乎人德業文章鍾於川靈山秀洵莫重於志矣志何昉乎始而結繩漸而書契旣而憲典國乘以及稗官野史皆以名志志固經之裔史之翼也禹貢所紀田賦高下墳壚黎赤與夫篠簜籥箛龜魚之細周禮職方則及於山藪川浸男女畜擾之粗而班孟堅作地里志尤詳於政治風俗奢儉緩急之宜繼此魏俊民桂文襄羅文恭等復孜孜於形勢阨塞封疆壺樣之計其爲紀載不一類於以辨方域識文物則一也蓋統志因乎省郡省郡因乎縣志故縣志爲最詳萊陽爲古萊子國素稱巖邑景物人文甲山左數百年來其間山川之蒼莽人物之班次土風之沿革草木蟲魚之畜產或遺而不存或略而不詳無他失所志